

20/KLIA/2025



AGENSI KAWALAN DAN PERLINDUNGAN SEMPADAN MALAYSIA (AKPS)

CUBAAN SELUDUP SPESIS TERANCAM GAGAL LELAKI TEMPATAN DITAHAN DI KLIA

Sepang, 21 Jun 2025 – Cubaan menyeludup keluar empat ekor haiwan eksotik yang disyaki Ungka Tangan Hitam, sejenis spesis terancam, berjaya dipatahkan hasil kerjasama strategik antara Agensi Kawalan dan Perlindungan Sempadan Malaysia (AKPS) dan pasukan Aviation Security (AVSEC) Lapangan Terbang Antarabangsa Kuala Lumpur (KLIA).

Kejadian pada 20 Jun 2025 melibatkan pelaksanaan pemeriksaan bagasi di Zon Pemeriksaan H2R Hammerhead, Terminal 1, Lapangan Terbang Antarabangsa Kuala Lumpur (KLIA). Pemeriksaan tersebut melibatkan penerbangan Batik Air OD0215 ke Mumbai, India yang dijadualkan berlepas pada jam 8.55 malam.

Pemeriksaan lanjut ke atas salah satu bagasi penumpang telah menemui empat ekor haiwan yang disyaki Ungka Tangan Hitam yang disembunyikan. Suspek, seorang lelaki warganegara Malaysia berumur 34 tahun telah ditahan di lokasi dan dibawa ke Ibu Pejabat Polis Daerah (IPD) Aeropolis untuk tindakan lanjut.

Haiwan eksotik yang dianggarkan nilainya lebih kurang RM30,000 telah diserahkan kepada Jabatan Perlindungan Hidupan Liar & Taman Negara (PERHILITAN) Semenanjung Malaysia untuk siasatan dan tindakan lanjut mengikut peruntukan di bawah Akta Pemuliharaan Hidupan Liar 2010 [Akta 716] dan Akta Perdagangan Antarabangsa Mengenai spesis Terancam 2008 [Akta 686].

Kejayaan ini adalah antara hasil pelaksanaan pemeriksaan bersepadu yang diperketatkan oleh AKPS, AVSEC dan Jabatan PERHILITAN Semenanjung Malaysia bermula 1 Jun 2025, yang memberi fokus membanteras penyeludupan spesis terancam khususnya di laluan udara sektor penerbangan berisiko tinggi.

SIARAN MEDIA

AKPS, AVSEC dan Jabatan PERHILITAN Semenanjung Malaysia akan meneruskan komitmen untuk memperkukuh kawalan di pintu masuk KLIA dan tidak akan berkompromi dengan mana-mana pihak yang terlibat dalam aktiviti penyeludupan hidupan liar melalui laluan udara.

Pautan gambar:

https://drive.google.com/drive/folders/1FXH2SSLAwYTFI_0X0Qwb61qhWcY8e-O1?usp=sharing

TAMAT

21 JUN 2025

**UNIT KOMUNIKASI KORPORAT AGENSI KAWALAN DAN PERLINDUNGAN SEMPADAN
MALAYSIA (AKPS)**